

VENDIM
Nr. 590, datë 7.9.2022

**PËR MËNYRËN E MBAJTJES SË REGJISTRIT QENDROR TË KËRKESAVE PËR
VËNIE NË EKZEKUTIM TË URDHRAVE TË EKZEKUTIMIT DHE
NDËRVEPRIMIT ME BAZAT E TJERA TË TË DHËNAVE SHTETËRORE**

Në mbështetje të nenit 100 të Kushtetutës, të nenit 516/a, të Kodit të Procedurës Civile, të nenit 4, të ligjit nr. 10325, datë 23.9.2010, “Për bazat e të dhënave shtetërore”, të nenit 26, të ligjit nr. 8730, datë 18.1.2001, “Për organizimin dhe funksionimin e Shërbimit të Përmbarrimit Gjyqësor”, të ndryshuar, dhe të pikës 3, të nenit 24, të ligjit nr. 26/2019, “Për Shërbimin Përmbarrimor Gjyqësor Privat”, me propozimin e ministrit të Drejtësisë, Këshilli i Ministrave

VENDOSI:

1. Regjistri qendror i kërkesave për vënien në ekzekutim të urdhrave të ekzekutimit, i krijuar si baza e të dhënave shtetërore “Sistemi i Menaxhimit Elektronik të Çështjeve të Përmbarrimit Gjyqësor” (ALBIS) funksionon, mbahet dhe ndërvepron me bazat e tjera të të dhënave shtetërore, në përputhje me rregullat e caktuara në këtë vendim.

2. Baza e të dhënave shtetërore ALBIS përmban:

a) të dhënat e regjistrave të çështjeve përmbarrimore aktive dhe/ose të pezulluara, të regjistruara deri në datën e hyrjes në fuqi të këtij vendimi, si dhe të çështjeve përmbarrimore të reja, që paraqiten për ekzekutim pas hyrjes në fuqi të këtij vendimi;

b) të dhënat e regjistrave të çështjeve përmbarrimore të pushuara, të arkivuara ose të transferuara, të regjistruara nga përmbarruesit gjyqësorë deri në datën e hyrjes në fuqi të këtij vendimi;

c) të dhënat e regjistruara në sistem nga përmbarruesit gjyqësorë, sipas numrit të protokollit të librit të përmbarruesit gjyqësor ose zyrës/shoqërisë përmbarrimore për dokumentet procedurale, vendimet, urdhrat e ekzekutimit apo të dhënat që lidhen me çështjen dhe palët në procesin e ekzekutimit;

ç) informacion për procesin ekzekutues të çështjes përmbarrimore të përmbarruesit, i cili paraqitet kur kërkohet nga strukturat që kanë të drejtën e aksesit në sistem.

3. Të dhënat që përmban baza e të dhënave shtetërore ALBIS ndahen në të dhëna parësore dhe të dhëna dytësore.

4. Të dhëna parësore konsiderohen të dhënat e mbledhura në këtë bazë të dhënash dhe që kanë të bëjnë me:

a) të dhëna për çështjet përmbarrimore dhe përshkrime për ekzekutimin e tyre (numri i çështjes, numri i vjetër i çështjes, zyra e përmbarrimit/përmbarruesi privat, numri i protokollit, data e regjistrimit të çështjes, kreditori, debitori, lloji i detyrimit dhe lloji i taksës ose tarifës);

b) fazën procedurale të procesit përmbarrimor, referuar dokumenteve të përmbarruesit gjyqësor gjatë veprimtarisë së tij, të regjistruara në sistem (data dhe numri i protokollit të kërkesës, statusi i çështjes, transferimet e çështjeve përmbarrimore, data e fillimit të ekzekutimit, komunikimi ndërinstitucional shkresor i çdo çështjeje përmbarrimore, informacion mbi procesin ekzekutues nga përmbarruesi gjyqësor dhe komente).

5. Të dhëna dytësore konsiderohen të dhënat e siguruar nga ndërveprimi me baza të tjera të të dhënave shtetërore dhe kanë të bëjnë me:

a) të dhënat identifikuese të qytetarëve;

b) të dhëna identifikuese të subjekteve;

c) të dhëna të pasurive të paluajtshme;

ç) të dhëna të mjeteve;

d) të dhëna të vendimeve gjyqësore.

6. Baza e të dhënave ALBIS ndërvepron me bazat e tjera të të dhënave shtetërore për marrjen e të dhënave, si më poshtë vijon:

a) Nga Regjistri Kombëtar i Zyrës së Gjendjes Civile merr të dhënat e mëposhtme:

- i. emrin, atësinë dhe mbiemrin;
- ii. numrin personal të identifikimit;
- iii. adresën e banimit;
- iv. qytetin;
- v. shtetin;
- vi. vdekjen.

b) Nga Regjistri Tregtar i QKB-së merr të dhënat e mëposhtme:

- i. emërtimin e subjektit;
- ii. tipin e subjektit;
- iii. NIPT-in;
- iv. adresën e selisë së subjektit ose ushtrimit të aktivitetit;
- v. kodin postar;
- vi. qytetin;
- vii. shtetin;

c) Nga Regjistri Elektronik i Pasurive të Paluajtshme merr të dhënat e mëposhtme:

- i. numrin e pasurisë;
- ii. numrin e zonës kadastrale;
- iii. të dhëna të volumit dhe të faqes, të shënuara në kartelë;
- iv. llojin e pasurisë;
- v. të dhëna mbi pronësinë e pasurisë së paluajtshme;
- vi. gjendjen juridike të pasurisë;

ç) Nga Regjistri Kombëtar i Mjeteve merr të dhënat e mëposhtme:

- i. targën e mjetit;
- ii. numrin e shasisë;
- iii. të dhëna të mjetit (lloji, marka, modeli, tipi, karrocëria, ngjyra, numri i dymve, lënda djegëse, fuqia, cilindrat, viti i prodhimit, numri i vendeve);
- iv. llojin e përdorimit;
- v. të dhëna mbi pronësinë e mjetit;
- vi. gjendjen juridike të mjetit (sanksione e detyrime administrative të vendosura nga Drejtoria e Përgjithshme e Shërbimeve të Transportit Rrugor);

d) Nga Sistemi Elektronik i Regjistrimit të Çështjeve Gjyqësore merr të dhënat e mëposhtme:

- i. numrin dhe datën e urdhrit të ekzekutimit;
- ii. numrin dhe datën e vendimit të gjykatës;
- iii. objektin.

7. Ndërveprimi i bazës së të dhënave shtetërore ALBIS me bazat e tjera të të dhënave shtetërore kryhet në përputhje me rregullat e parashikuara nga legjislacioni në fuqi për bazat e të dhënave shtetërore.

8. Subjektet përgjegjëse të bazës së të dhënave shtetërore ALBIS janë, si më poshtë vijon:

a) institucioni administrues është Ministria e Drejtësisë;

b) dhënësit të informacionit janë:

- i. Drejtoria e Përgjithshme e Përmbartimit;
- ii. zyrat vendore të përmbartimit gjyqësor shtetëror nëpërmjet përmbartuesve gjyqësorë shtetërorë;
- iii. Dhoma Kombëtare e Përmbartuesve Gjyqësorë Privatë;
- iv. përmbartuesit gjyqësorë privatë.

9. Niveli i aksesit në bazën e të dhënave ALBIS është, si më poshtë vijon:

a) administratori ka të drejtat e administrimit, modifikimit, leximit të sistemit dhe për të prodhuar statistika;

b) specialistët me detyra monitoruese të Ministrisë së Drejtësisë dhe të Drejtorisë së Përgjithshme të Përmbaarimit kanë të drejta leximi në ato çështje që ata kontrollojnë;

c) drejtori i përgjithshëm i Drejtorisë së Përgjithshme të Çështjeve Rregullatore të Drejtësisë në Ministrinë e Drejtësisë dhe drejtori i përgjithshëm i Drejtorisë së Përgjithshme të Përmbaarimit ka të drejtë leximi në të gjitha çështjet e përmbaarimit shtetëror dhe të drejtën për të prodhuar statistika;

ç) drejtori i përgjithshëm i Drejtorisë së Përgjithshme të Çështjeve Rregullatore të Drejtësisë në Ministrinë e Drejtësisë ka të drejtë leximi në të gjitha çështjet e përmbaarimit privat dhe të drejtën për të prodhuar statistika;

d) prokurori ose çdo organ tjetër, që ligji i njej të drejtën për të pasur akses, ka të drejtë leximi në të gjitha çështjet e përmbaarimit shtetëror dhe në të gjitha çështjet e përmbaarimit privat;

dh) kryetari i Zyrës Rajonale ka të drejtë të regjistrojë një çështje në sistem, të hedhë shortin, të zëvendësojë përmbaaruesin e zyrës përkatëse, të transferojë çështjen në një zyrë tjetër, të drejtë leximi në të gjitha çështjet e zyrës së tij, të drejtën për të prodhuar statistika dhe ka të njëjtat të drejta me një përmbaarues kur ai/ajo është përgjegjës për çështjen;

e) përmbaaruesi shtetëror ka të gjitha të drejtat e nevojshme për përpunimin e çështjeve që i janë përcaktuar dhe të drejta leximi vetëm për çështjet që i takojnë;

ë) përmbaaruesi privat ka të gjitha të drejtat e nevojshme për regjistrimin dhe përpunimin e çështjeve që ai ka marrë përsipër;

f) përmbaaruesi gjyqësor, shtetëror ose privat, përjashtimisht, për çdo procedurë me objekt “Ekzekutim detyrimesh në të holla” ka të drejta leximi të të dhënave parësore, të përcaktuara në shkronjën “a”, të pikës 4, të këtij vendimi.

10. Të gjitha subjektet, që kanë akses në bazën të dhënave ALBIS, marrin masa organizative dhe teknike të përshtatshme për të mbrojtur të dhënat personale nga shkatërtime të paligjshme ose aksidentale, si dhe nga humbje aksidentale, për të mbrojtur aksesin ose përhapjen nga persona të paautorizuar, si dhe nga çdo formë tjetër e paligjshme përpunimi, në përputhje me legjislacionin në fuqi për mbrojtjen e të dhënave personale.

11. Afati i ruajtjes së të dhënave në bazën e të dhënave ALBIS është, si më poshtë vijon:

a) Ruhen në ruajtje të përhershme të dhënat mbi:

i. regjistrat e çështjeve përmbaarimore të regjistruara deri në datën e hyrjes në fuqi të këtij vendimi, si dhe të çështjeve përmbaarimore të reja, që paraqiten për ekzekutim pas hyrjes në fuqi të këtij vendimi;

ii. përmbaaruesin ose zyrën përmbaarimore;

iii. numrin dhe datën e regjistrimit të çështjes;

iv. të dhënat identifikuese të qytetarëve dhe subjekteve;

v. numrin dhe datën e vendimit të gjykatës;

vi. numrin dhe datën e urdhrit të ekzekutimit;

vii. llojin e detyrimit;

viii. llojin e taksës ose të tarifës;

ix. statusin e çështjes përmbaarimore;

x. numrin dhe datën e vendimit të pushimit të ekzekutimit;

xi. transferimin e çështjeve;

xii. komentet.

b) Dosjet dhe çdo dokument tjetër i prodhuar nga përmbaaruesi për çështjet përmbaarimore të ekzekutuara tërësisht apo të pushuara sipas parashikimeve në fuqi të Kodit të Procedurës Civile ruhen për një afat 10-vjeçar (dhjetëvjeçar) nga dita e përfundimit të procedurës së ekzekutimit ose nga dita e pushimit të ekzekutimit.

12. Agjencia Kombëtare e Shoqërisë së Informacionit, si autoriteti rregullator koordinues i bazave të të dhënave shtetërore, regjistron, auditon dhe koordinon ndërveprimin me bazat e të dhënave shtetërore.

13. Rregullorja për administrimin, organizimin, funksionimin e brendshëm të bazës të të dhënave të ALBIS-it, si dhe procedurat përkatëse miratohen me urdhër të ministrit të Drejtësisë, në përputhje me rregullat e parashikuara nga legjislacioni në fuqi për bazat e të dhënave shtetërore.

14. Përmbaruesit gjyqësorë shtetërorë dhe privatë, brenda gjashtë muajsh nga hyrja në fuqi e këtij vendimi, përfundojnë hedhjen e të dhënave në bazën e të dhënave ALBIS, për të gjitha çështjet përmbarimore që kanë në administrim, sipas shkronjave “a” e “b”, të pikës 2, të këtij vendimi.

15. Të dhënat e mbledhura në zbatim të vendimit nr. 443, datë 16.6.2011, të Këshillit të Ministrave, “Për krijimin, regjistrimin, mënyrën e funksionimit, të administrimit e të ndërveprimit dhe për sigurinë e Sistemit të Menaxhimit Elektronik të Çështjeve të Përmbarimit Gjyqësor”, i ndryshuar, konsiderohen të mbledhura dhe përpunohen sipas këtij vendimi.

16. Vendimi nr. 443, datë 16.6.2011, i Këshillit të Ministrave, “Për krijimin, regjistrimin, mënyrën e funksionimit, të administrimit e të ndërveprimit dhe për sigurinë e Sistemit të Menaxhimit Elektronik të Çështjeve të Përmbarimit Gjyqësor”, i ndryshuar, shfuqizohet.

17. Ngarkohen Ministria e Drejtësisë, Drejtoria e Përgjithshme e Përmbarimit, Dhoma Kombëtare e Përmbaruesve Gjyqësorë Privatë, Agjencia Kombëtare e Shoqërisë së Informacionit, si dhe përmbaruesit gjyqësorë shtetërorë dhe privatë për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTËR
Edi Rama